



## عن المسؤول

فيها أحاسيس تأخذ بالصُّور برهان  
مثل الشَّرْف والشُّجاعه مالهاتبيان  
نحننا نحسُّه وَلَكِنْ نجهل العنوان  
تفسير يوضِّح ويخفي ويوزن بميزان  
ولي ماتشوفه بعينك شوفه بالإيمان  
إنَّ خانك الفهم وأمسي العقل بك حيران  
والخالد الفكر وماهي خالده الأبدان  
بيتم فكرك طري لو يختفي الجثمان  
وماشفت أقسى من الجهل ومن الحرمان  
وحاولت أفتح قلبها ورفضت البيان  
أکید في يوم بقدر أفهم الإنسان

الصُّوره الّلي رسمها العقل للمعقول  
أما المجرّد فمشكل ما حصل محصول  
ياكيف نرسم وجوه لكايين مجهول  
للخير والشر والعلات والمعلول  
والمنطق يقول أن الشَّكل له مدلول  
فلسف وجودك لذاتك وانتة المسؤول  
ولكل شيءٍ نهايه لو الزمان يطول  
ومادمت حي وتفكر لي يزول إيزول  
شفت الحياه وعشتها بين عرض وطول  
وردت عند الحقيقه وبابها المقفول  
وللحين وأنا أحاول فتحها وأقول

محمد بن راشد آل مكتوم